

Ἡμερομηνία ἐκπομπῆς 20-4-62 (ταινία 36)

I.-

" Ραχιά μή πρασινίζετεν "

Ραχιά μή πρασινίζετεν οὐς νά κ' ἔρται τ' ἄρνόπο μ',
σταθέστεν κι' ἐσεῖν ἔρημα ἄρ ἄμον τό καρδόπο μ'.

Ραχιά καί ραχιονέφαλα, δόστεν τ' ἄρνι μ' λαλίαν,
πέτ' ἄτο ἀραεύνε σε ὁμμάτια σεβταλία.

Ραχιόπα μή συρίζετεν, ποτάμια μή βοᾶται,
θά ἔρται τό σαρίν τ' ἄρνι μ' καί ν' ἀπ' ἐσᾶς φοᾶται.

2.-

" Σουρλοβέτσα "

Υιέ μ' τέρεν κι' ὑπάντρεφον καί ἔπαρ' σουρλοβέτσαν,
πού λάσκειται ὀξυπόλτενα σά χάντια μαθεμέντσα.

Ἐγώ τό κορίτσ' ντ' ἀγαπῶ, ἐκεῖνο πᾶ ἀγαπᾶ με,
ἀτό γιά τ' ἐμέν ἀποθάν' κι' ἐγώ γιά τ' ἀτό χαμαι.

Ἄρνι μ' τά τονατέματα σ' ἀλάτ' -μαλάτ' τά κᾶλλια σ',
περιστερόπα κελαῦδοῦν σ' ἔρημον τήν ἐγκᾶλια σ'.

3.-

" Σεράντα ποταμόνερα "

Σεράντα ποταμόνερα κι' ἔφτά ραχία χιόνια,
κι' ἐπόρεσαν ν' ἐλάρωναν τῇ κάρδια ἱμ τά πόνια.

Κάρδια μ' ἀπαρηγόρετον, πῶς νά παρηγορῶ σε,
τά τέρτια ἐσέν ἔφαγαν καί κί κατηγορῶ σε.

4.-

" Σ' ἐμέν κί πρέπ' νά τραγωδῶ "

Σ' ἐμέν κί πρέπ' νά τραγωδῶ, ρακίν -κρασίν νά πίνω,
σ' ἐμέν πρέπ' τ' ἀναστέναγμαν, σήν γῆν δάκρυα νά ἔζουνω.

Τσίξον ἐμέν τό παλληκάρ', τσίξον ἐμέν τόν νέον,
ἔρχουμαι ἀραεύω σε, ἄς σό χατῆρ' τς τό πλέον.

Θ' ἐφτάω σιδερέν καρδιάν, γεράδες νά μή φέρη,
τά τέρτια καί τά βάσανα, ὅλια νά ὑποφέρη.

5.-

" Σοφίτσα μ' "

Ἐναν ἄστρεν ἐξέβεν σήν ἀνατολήν,
κι' ἄλλ' ἕναν κι' ἄλλο ἐξέβεν σό βαθύν τ' ὀρμίν,
Σοφίτσα μ' ἐξ' μ' ἐβγαίνης καί μή φαίνεσαι,
ἐλέπνε σε καί τ' ἄστρα καί μαραίνεσαι.

Λισάφ' ἀνοιξον τό τουλάπ' καί δός μας ἕναν μῆλον,
κι' ἀνοιξον τό παράθυρον κι' ἄς ἐλέπω τό ἥλον,
Σοφίτσα μ' ἐξ' μ' ἐβγαίνης καί μή φαίνεσαι,
τά παλληκάρια κλαῖγνε κι' ἀραεύνε σε.